

數年以後我國倘真有中興之景象若歐洲各國憐於其禍之說相戒不收中國人入有用之學堂則我國人即欲學人亦無從學矣豈不可懼勢宜即今多派遣學乘歐人未禁我來學之時捨身苦學盡其長而歸則數年後彼雖嚴事禁例已不足致我之死命矣時乎時乎不再來亟宜勒令各省即速多選派留學生來歐習各專門之學學期至少以十年爲準學額每省至少每次須派百人事關全國安危不得諉諸無經費也

(戊)定學堂服制 學生須一律短裝始有輕捷活潑少年國民之觀宜即預定通國遵行之制服禁學生隨處易裝

(己)自中學以上一律加兵操槍砲課 我國民質太弱欲振興民氣非使國民人人有軍國民資格人人能執干戈衛社稷不可中學以上程度漸高年歲漸富加以兵操庶使國家有事此輩皆具有兵之資格慎而選之且有將材出焉勝於臨時招募訓練者多矣此歐洲所以無人不兵也

(三)重興海軍 國未有無海軍而可以自衛者我中國乃世界大國乃甲午以還海軍全燼海軍衙門亦因之不存在今海內無一艦軍港被人奪占將盡吾言至此吾欲哭使我國當甲午大敗之後極力奮興竭通國之財力以練新海軍購新艦多遣海軍學生通國渙厲臥薪嘗膽日日以甲午之恥爲終身必報之大恨則訓練至今日已及十年吾中國新海軍必已成立保衛門戶斷不至有德人樹旗於我海州之恥而我當時政府見不及此大敗之後反將海軍衙門撤去幾若中國可以不復用海軍者易憂患爲安樂鑄成大錯一失足成千古恨吾不得不爲當時之政府哭也吾見今者俄人雖敗而極力建造新海軍十年後必大有可觀者而我中國竟俄國之不若吾又不能不爲我中國哭也雖然悔亦何追補救在今日耳

(甲)速爭軍港以固根據 我國軍港大半租借與人鎖鑰盡失誠可痛恨然即今求之尙有可守者宜速開闢之築鐵路以通運送修船塢砲壘以占形勢庶免外人窺伺而爲將來海軍根據若旅順則似有可以爭回之機旅順若爭回又可執約以爭威海是在外交之贏絀何如耳

(乙)速多遣留歐海軍學生 海軍極關重要海軍人才尤非一時所能培成亟應在京師及各省選擇國文有根據算學明通者多多遣赴東西洋留學海軍明定年限每省至少每次須遣派百人將來始不至有有船無人人之患事關重要不能惜經費也

(丙)速向各國訂造軍艦 慎選專精製造深明造船術之人速遣向各國訂造軍艦以冀數年後可得一新中國艦隊海軍學生以次畢業即可得用庶不至有培材失川之患此事爲保全全國民生命財產起見如經費不足僅可向國民勒捐不爲虐政如以無費之故延緩遲誤則恐即再待數十年中國亦未必能有餘費而情形一年千變時乎不再

(末)

宮門抄

五月初八日 刑部 都察院 大理寺 兩紅旗值日無
引見 前山西學政寶熙到京請 安並謝 恩 成
章因伊子補主事謝 恩 文炳預備 召見 溥儀請
假十日 順天府奏京師得雨四寸有餘 召見軍機
文炳 寶熙
皇上明日卯初二刻至 大高殿行禮畢還海
五月初九日京電本日 召見軍機

諭旨

五月初八日都察院奏留候補經歷奉
旨劉銘勳著准其留院欽此

譯電

◎西六月二十九號柏林來電
海牙和平和會開會 海牙和平和會開會已展至
明年舉行
◎俄議員公議組織新內閣 俄國議院有多數議員公議議
長烏魯夫夫氏及早組織新內閣以理國事
◎西六月二十九號倫敦來電
埃及人毆擊英員之罪案 埃及國丹達地方毆擊英國將
校之土人已有四人判定死罪此外永遠監禁者四人又長期
短期監禁者十二人鞭五十者數人
◎英國地震 英國之南威爾斯及其附近地方地震甚烈居
民負傷者不少並有損及財產者
◎南非軍事報告 南非洲拿打路國大隊土兵於未布魯武
地方巡探時攻擊匪徒而匪徒不懼土兵砲隊所用之末基斯
砲持鎗對擊其勢甚猛是時土兵占據兩小崗殺斃匪徒六十
名又有匪徒一千人由土兵側面而來然當時即行退却
◎英黨員論埃及事 英國議院有急進黨數人謁見外部大
臣請暫緩出征埃及之事外部大臣答以予無權力為講和之
人然觀英國國報載稱外部大臣前已電致庫羅米爾氏
專求詳細調查埃及事件又急進黨之報詳述此次處置埃及
叛徒失之太嚴又有下議院一部分之議員出而反對謂英政
府必以爭得管理殖民地之實權為最要緊云

要聞

▲端戴二大臣電告歸期
京函云昨聞端戴二大臣已有電回京告知親友謂前月二十
八日義皇恩賜贈送寶星二十九日至拿波里二十日附
雷波(船名)輪船起程回國大約五月中旬可以
抵京

考政大臣奏保人才

北京官場消息謂考政治端戴二大臣有電來京 奏保
留學西洋畢業生數人并充外國領事之商人
一員均請帶同回國破格錄用云

練兵處奏請實行裁汰各省綠營

京函云日前練兵處奏請各省綠營 實行裁汰 酌留

將軍道府願學法律

京函云現在法律學堂報考者已千餘人有 奉恩將軍
並道府各二員亦皆報名投考 將來人才之盛正
未可量

粵路股東致外部電

北京日報云粵省路事自官商衝突後其影響所及各有因
遂成商與商相持之局現在仍爭持未已茲接粵中消息言目
下省港商復有電致外部請為主持其電文如下 省港衆
商呈外務部電恭讀二十日 諭旨飭令會集紳商妥舉總協
理 聖朝仁厚體恤商情深感戴乃督率紳商以解紛
挾 朝廷致奉二十日 旨着該督督飭辦理 九重高遠
下民無告若任逞氣強逼勢必釀禍貽 宵旰憂查申舉之鄭
官應在滬調解港監有案黃黃棠實陽鐵路係款股東被逐之
人加以善堂申謀改期私舉不通知各股東到者僅數十人而
寫數百條何得為公小股五百餘萬未舉鄭黃時早經認定近
日增多係截收在即交股始成股東為預選舉權地步有報紙
載各埠議案可證內而港滬間漢津外而小呂宋安南暹羅金
山來電皆認公不認私舉之鄭黃是不洽輿情可為鐵證
商等並無成見但冀總理得人 庶將來不至
大股不交全局瓦解解查各電稟代奏乞 恩並念粵路緊要
派唐紹儀督辦 以安人心滬局已交小股二十二萬
金並葉惠伯二萬黃錫忠暨省港商百二十三人聯叩

警官服制詳紀

京函云警官服制先從巡警總分廳換起現在巡警部業將警
務官弁服制之等級擬定札飭該總廳即行製辦至服色一節
自應悉以下至九品書記官均用灰色帶有藍光之洋布肩章
袖章應按等級用金線線盤起軍帽參仿日本警帽式樣上沿
金道帽花鍍金以雙龍抱珠茲將等級開列於後 廳丞袖章
金辦七道帽珠用淺紅珊瑚 總廳三處參事與各分廳知事
均用六道帽珠用亮藍寶石 六品警官股長課長等官五道
帽珠用暗藍寶石 七品警官區長股副課副等官四道帽珠
用淺藍寶石 八品警官區副等官三道帽珠用水晶 各品
書記官兩道帽珠用碎礫

新架坡中華商務總會奏准立案

南洋新架坡一帶為華商最有實力之地實財既多人物亦盛
故華商之其地者極力極大現聞該處商人已創設中華商
務總會稟蒙商部奏請立案奉 旨依議

本埠新聞

●車站紀事 出使德國欽差慶星使昌於初九日乘坐二次
火車晉京又駐津德兵四十五名武官二員及印度兵十六
名均於初九日由津赴北戴河又陸軍第六鎮協統何副戎宗
連於初九日由京乘早車來津又候選道林觀察由津晉京
●官場紀事 通永鎮邱鎮軍開進往春華太 保定中協王

協戎金成佳吉升機

候補補邱大令廷榮於初九日上院稟
知 派員迎接意國王爺 意國王爺由意國乘輪來津其官保
特委洋務局總辦蔡觀察紹基並帶譯員於初九日由津赴秦
皇島迎接

軍品運豫

河南陸軍營派差來津購辦皮包三千四百件
於初九日由津裝火車運往河南備用
●講辦軍裝 毅軍派差來津購辦軍衣二十餘件並軍靴
若干件於初九日由津運往通州
●觀察赴滬 署天津道周觀察請假於初十日赴上海公幹
一切事宜委天津府榮太守暫行護理
●皖餉過津 皖撫派許委員金銓管解鹽釐項下提撥京餉
銀二萬兩赴京投戶部交納昨已由津備大車裝載北上並經
縣尊派差沿途護送云

圖算學堂給獎品

圖算學堂大考及分按五等取列等
情早登前報茲悉該堂總辦酌定獎賞各予操衣一身其取中
超特等者另獎機器等件以示優異而昭激勵已於初九日在
本堂發給云

電車傷人

初八日下午電車開行至老鐵橋有某甲突從
車軌越過被時車行甚速致致撞倒頭部受傷甚重云
●催納上忙 津武漁業課賦向歸清軍府徵收刻屆上忙除
被災各村不計外其餘成熟各村應仍照常遵納昨已飭差諭
各鄉村正副轉飭各戶即速納糧云

興工修築小馬路

前與界開通東西大馬路飭拆護民房
興工修築等情均已登報茲於初八日下午又在鴿子集南截
大地段並將有礙應拆各房逐逐抄門牌號數開係於大馬路外
再開小馬路一條名之為復道云

修整道路

河北巡警處前通西一帶凸凹不平昨經
營務處傳諭地方雇集工人十餘名連土修整平坦
●嚴禁聚賭 南段巡警總局聞有劉某在與界開場聚賭因
特照會與領事署將劉某拿獲立即提訊除將同賭者分別責
釋外判將劉某等枷號與界示眾以儆其餘

軍醫二班學生暑假大考

軍醫學堂甲班學生業已考畢
乙班定於十四五六等日分門考試一俟考畢即行給放暑假
●查獲私鹽 河巡船昨在雙街口地方查獲一小船內藏有
私鹽甚多當被查獲悉將船戶劉金聲及販鹽紀三緝獲一併押
送南段總局訊究

北京新聞

●粵省籌餉 頃和園經費解到 頃和園經費向難籌海關
每年籌解四萬兩分兩季解京昨聞粵省已將本年上半年應
解銀二萬兩解京交由內務府收用
●使星將返 日作駐比楊星使有電到京謂已於上月二十
六日離比云大約新任駐比李星使到任後楊星使業已交代
清楚故即離比并聞楊星使離比時適端戴兩大臣亦與之同
舟云

通飭嚴查德兵官被竊案

巡警部昨准外務部咨轉札內
外城總廳內開駐京德國使館兵官余發近日被竊失物頗鉅
仰即通飭各分廳一體嚴密查拿務獲究辦云云
●賑米免稅 粵省水災待賑孔亟雲帥撥款飭善堂紳董
赴蘇皖一帶採辦賑米奏請援案免稅聞戶部現已議定准以
十萬石為限云

嚴禁私和人命

巡警部昨日札札知內外城總廳署謂現據
本部稽察處報稱近來京城地方遇有人命重案竟有私相調
處等情仰即通飭各分廳派員密查倘有私和人命之事立將
兩造扭送總廳從嚴究辦云云

巡警部榜示照錄

為榜示事照得前由警廳第二次申送
當差勤慎各警巡長捕由本部派員在習藝所分期考試評定
甲乙合行榜示須至榜者 計開 一等英普等八十九名
二等殷兆祥等二百三十九名 三等瑞成等二百三十五名

本省新聞

●藩台牌示 完縣知縣吳兆數撤任遺缺以准補阜城縣知
縣王書臣署理天津府知府榮恒升授江甯鹽運道新授天
津府知府羅正鈞與保定府知府凌福彭互相調署所遺清苑
縣知縣缺以正定縣知縣孟廣瀚調署曲周縣知縣周正範
撤任留缺遺缺委署天津府河防同知單晉錫署理順德
府知府梁升銘修墓遺缺擬以開復補用知府前任永平府知
府重煥請補△署甯晉縣知縣劉本清撤任遺缺以候補知縣
陳鈺署理

榮升五馬

升任天津府羅太守前以名進士權清苑縣篆
奉上海委辦省城各學堂事務措置裕如上舉知太守才長心
細任以繁鉅必能綽有餘裕故特調任首郡以資臂助云

武備生分科肄習

省城東關外速成武備學堂三學
生肄習操法及內堂功課已屆半年有餘現經督辦段觀察諭
令將該班學生區為步馬礮工各科分別肄習業於初二日由
各科教員按各學生程度分別各科以歸專門云

商務印書館新出簡易課本六種

本館新出簡易課本六種，內容豐富，圖文並茂，適合各級學校使用。現將各書名稱及售價列後：

書名	售價
國語	每冊一角
算術	每冊一角
常識	每冊一角
自然	每冊一角
歷史	每冊一角
地理	每冊一角

以上各書，均係本館名師編纂，內容詳實，圖畫精美，為目前市場上最優良之簡易課本。歡迎各界人士垂詢訂購。

天津高等學堂招生廣告

本學堂創設於光緒二十九年，現已開辦多年，成績斐然。現為擴充學額，特招收新生。凡有志於學者，均可報名。學堂設有以下各系：

- 國語系
- 算術系
- 常識系
- 自然系
- 歷史系
- 地理系

報名日期：自即日起至五月十日止。學費：每學期大洋一元。膳宿費：另議。詳情請向本學堂辦事處洽詢。

廣萬和告白

本號自運洋貨，批發零售，一律歡迎。現為酬謝顧客，特舉行大減價活動。凡在本號購買洋貨者，均可享受八折優惠。歡迎各界人士光臨選購。

地址：天津法租界某某路某某號。

直隸國民捐局廣告

本局為籌集國庫，特發起國民捐。凡我國民，如有志於國者，均可踴躍捐輸。本局將對捐輸者給予優厚獎賞，並頒發證書，以資紀念。詳情請向本局洽詢。

商務印書館新出簡易課本六種

本館新出簡易課本六種，內容豐富，圖文並茂，適合各級學校使用。現將各書名稱及售價列後：

書名	售價
國語	每冊一角
算術	每冊一角
常識	每冊一角
自然	每冊一角
歷史	每冊一角
地理	每冊一角

天津高等學堂招生廣告

本學堂創設於光緒二十九年，現已開辦多年，成績斐然。現為擴充學額，特招收新生。凡有志於學者，均可報名。學堂設有以下各系：

- 國語系
- 算術系
- 常識系
- 自然系
- 歷史系
- 地理系

廣萬和告白

本號自運洋貨，批發零售，一律歡迎。現為酬謝顧客，特舉行大減價活動。凡在本號購買洋貨者，均可享受八折優惠。歡迎各界人士光臨選購。

直隸國民捐局廣告

本局為籌集國庫，特發起國民捐。凡我國民，如有志於國者，均可踴躍捐輸。本局將對捐輸者給予優厚獎賞，並頒發證書，以資紀念。詳情請向本局洽詢。

新教育學

本書為教育界之必讀，內容詳實，圖文並茂，適合各級學校使用。現將各書名稱及售價列後：

書名	售價
新教育學	每冊一元

科學儀器

本號專營各種科學儀器，品質優良，價格公道。歡迎各界人士垂詢訂購。

樓酒西中春林上

本樓為天津著名酒樓，環境優雅，菜餚精美。歡迎各界人士光臨選購。

白告行洋金五生瑞

本行專營各種金銀首飾，品質優良，價格公道。歡迎各界人士垂詢訂購。

各省新聞

政事

○監獄改良工竣 華亭縣監獄房屋不敷且年久失修勢將坍塌近由上海檳榔嶼縣監獄一律改良易名罪犯習藝所故現署華亭縣趙大令夢泰稟府札委前署縣屈大令泰清督匠估工改建洋式業已工竣開工料費實洋四千八百八十餘元以十二年按任攤派刻已聯銜通稟上核核示 (江蘇)

○擴充警察學堂 皖省警察學堂形式雖具規模尙多未備思中承因仿南洋辦法參酌日本規則大加擴充札飭臬司在舊堂內添建宿舍或擇地另造一則造就巡官巡弁一則造就巡士巡目官弁附設法政學堂警察科內凡到省官員及本地紳士本省各防軍稍通文理之兵士均留入肄業以備將來站崗之用刻已電請江督調取曾在北洋卒業生數名來皖優給薪水以資管理警察之權 (安徽)

○籌款舉辦警察 紹興警察前奉省憲札催復經紳士稟請舉辦因由山會兩縣籌備二大令會同馬紳等籌議會謂郡郡以防兵改充巡士實不及格甚或反多滋事故議假大善寺為校舍招集學生八十名先設警務學堂向北洋延聘教習每日開辦所需經費由紳等於畝捐及積穀項下抽提應用俾資助成立云 (浙江)

○牌示考試官員 日前浙撫札飭嗣後道府以至州縣初次到省及期滿甄別例應考試者均應遵 旨考試業經實方伯詳定辦法曉示宜應至州縣以下試看試用期滿人員應先由司傳考再行詳辦前月二十八日發出牌示送考之官共二十二員知府三同知一知縣十八員考之官共三十四員府經歷二縣丞十五府照磨五巡檢八從九三典史一 (浙江)

○委員密查侵蝕膏捐 浙江塘棲鎮巡檢李鴻勳被紳士來省呈控列款多端如煙膏捐一項歷年侵蝕已逾萬金當經張中丞札飭杭府世太守按照原稟并抄清單嚴行澈究茲已由府密委候補縣宗大令彭年前往訪查因知李巡檢實收錢數較之呈解幾逾五倍并將捐摺摺片紙不發來證確鑿宗大令雖與李巡檢有姻誼未便以私蔽公即據實稟復現適省中追查各釐局欠款弊混擬飭李巡檢如數勒繳嚴行撤參以示懲儆云 (浙江)

○學務 江蘇總學堂覆與化學界來函 來函縣示均收到閱畢不勝詫異禁止滋擾鹽棧此行政官自有之權與學界無涉而學界干預之此不可解者一查閱縣示並未直斥學生為棍徒而學生全體退學會員紛紛辭職此不可解者二鹽棧自鹽棧學堂自學堂退學辭職獨不慮人指為挾制耶此不可解者三本會辦理學務希望於學界之前途甚大若是非未明而為妨礙他人言論自由之舉動本會轉未便預聞況近來退學相率成風久為通人所詬病與學良苦求學宜誠若紛紛退學在學界有挾制官場之嫌在學生有自妨課程之虞與本會宗旨大相刺謬已電請甯學務處秉公核辦不能為諸君分過也

○飭查捐地與學實情 桐城縣有職員左植者具稟學務處願將祖遺貴池縣新生洲內田地充作全省成達中學堂經費惟稟內有追繳勒據紅條一語難免不為糾葛生忿變計充公以洩平日積怨此批仰貴池縣確切查明有無牽涉情事刻日詳覆立案 (安徽)

○南潯寺僧擾學案情形 南潯寺僧擾學一案來函敘述始末較詳因錄如下此事先由南潯通判移縣詳府繼由府委鄭照磨沉來潯查辦該通判以既有府委遂置身局外而府委以此來原由通判詳應由通判辦結兩相推委於是慈蔭僧乃得從容優游煽惑鄉民前月十七十九兩日公然在菴集議縱聲震天且齊擁至通判署前聲稱拆毀衙門通判府委均伴不聞但某某二人竭力向僧和解於是延宕至二十七日忽接浙撫張中丞電云(南潯通判孫照磨沉應速將煽惑鄉民與學堂為難該僧應逐劣僧彈壓匪徒勸諭鄉民勿任受愚滋事院沁印)通判接電後於驅逐彈壓勸諭三者無一遵辦密與某某二人商酌於次日電覆浙撫云(杭州撫憲鈞鑒池電謹悉復且告假學生到菴被毆被毆後復逐後學界公請封菴鄉民聚眾集議當會紳竭力解散一面稟府委鄭照磨沉來潯查辦正在會紳與學生磋商封菴則鄉民抗拒不封則學界以為同傷感情一面遵奉憲電令將實在情形稟乞示遵南潯學堂照常開課請詳憲厘孫鎮印印)嗣經學界查悉通判有此朦混之電遂亦電稟浙撫云(杭州撫憲鈞鑒池電分府知學生但菴僧四出運動外交足慮鄉愚演劇集眾內閣堪慮非救建僧有淫賊請飭飭封以靖地方)此電發後尚未接覆電現在寺僧依舊盤踞鄉民依舊集眾且將有演劇舉動通判及府委則專持鎮靜主義若無所事事云 (江西)

軍事

○急修秋操道路 江南地勢山重水複與直豫等省千里平衍者迥異故軍用道路不得不亟籌興築惟陸地測量部所測地圖不合實地之用是以因循在昔尚未興辦適以南洋一鎮決計在甯鎮一帶舉行秋季大操據各幫辦統帶親往勘測地勢事畢回省稟請出朝陽門大道直達鎮江地勢極佳第沿途崗嶺坡陀橋梁溪澗阻礙過多凡炮車輜重車俱難越過亟宜擇要修治姑濟目前之用當經督練處總辦轉稟江督擬即飭巡防隊迅就測定地線平墊修築以便行軍 (江蘇)

○輪船兵備處文(為會拿匪徒事) 照得本署部院委員密赴鄞陽縣一帶查得時山匪徒尙扼據其中負隅恃險各軍並未進山搜索及接獲之鄞縣縣會匪極多並饒郡有米店拾價被搶情事當經分別電飭會辦拿辦暨電請安徽撫部院派兵協拿外合行札札到該處即便知照特札 (江西)

○特派學生整頓砲台工程 浙東沿海之溫州狀元橋等處向有砲臺年久失修近由該鎮道會稟請撫批准修葺茲據呈稱工竣造報開支數目太多當經張中丞諭飭督練公所派委參謀處畢業生陳步雲薛毅夫兩員前往溫州按照所算之砲臺大小八座整頓工程是否堅固有無浮支等弊并因沿海防務關緊重要兼飭考驗詳細稟復 (浙江)

○電詢私造鈔票之辦法 蘇省私造鈔票一案有家丁柯升與朱公子同謀之語已由臬憲朱竹石廉訪將柯升交案訊辦一面詳請上憲查辦茲聞此案由江督周玉帥所知大不謂然電致蘇撫詢問此案如何辦法刻經陳後帥札催蘇府孫展雲太守迅即破除情面澈底究辦詳供通詳云 (江蘇)

○示禁偷漏絲捐 鎮城新絲上市每有不法奸商赴丹陽縣屬之新橋等處收買絲勛繞道偷運故釐務日形減色刻經鎮江下游釐局總辦陳家熊訪悉特於上月二十六日會同丹徒縣出示嚴禁 (江蘇)

○米捐局暫撤停捐 各省水旱偏災米價飛漲民情困苦鄂督張官保特諭牙釐局通飭各米捐局一律暫撤停捐兩個月俟秋收後察看情形再行開辦 (湖北)

○包繳土稅 戶部飭令湖北土稅每年包繳銀四十萬兩所有原設之八局悉行撤去另行設局開辦一切人員均由戶部札委漢口土稅兼轄私局已委吳大令應丙辦理准於初一日到差 (湖北)

○土膏統捐關防照單札發到粵 各省土膏統捐督辦各省膏捐總局柯督辦奏請分派大員辦理茲悉柯督辦已將各省膏捐關防照單刊刻並印花分別改良方圓兩種其照單概定紅藍各色以示區別而杜假冒昨經將廣東廣西兩關防各一顆並兩廣藍執照捐單紅藍箱單紅單照等件札發兩廣土膏統捐總局查收辦理矣 (廣東)

路礦

○甬甯鐵路 浙省桐廬縣皇甫村煤礦經參將張仰雲稟請領照開採在案乃因張仰雲無力開辦多方作梗涉訟至兩年之久目下所領探礦執照已於本年二月二十六日限滿經皇甫村族長皇甫嗣灼及職員胡福基職商沈德民等紛稟商部謂張仰雲誘誘煤礦領照請銷另准黃贊義接辦當經商部移咨浙撫將逾限之探礦執照銷弔銷張仰雲稟領探照在前迭次文內並無黃贊義其人飭令俟案結後再行商同地主妥籌辦法 (浙江)

○粵督致外部電(為舉定粵路總辦事) 外務部鈞鑒洪粵省鐵路商辦集股有成公舉總辦等員經煊奏請歸商接收辦理本月十三日差弁回粵原摺奉 旨留中等因查善堂所收二成小股具奏時僅二百餘萬元旬日間竟增至四百餘萬元計二千餘萬元之股業已籌足如果所舉之鄭官應等不愜商情何以收股反增一倍中惟港商略有異議而居少數其為一二紳士所運動當在 聖明洞鑒之中此輩輿集都下兼以報紙推波助瀾最足淆亂之觀聽商辦一日不決則變幻愈多而疑誤亦愈甚方事之始煊立意即主商辦誠以官之賢否不一且時有更代不如商辦之利害切身由商公舉可以擇能而任始終其事也粵紳家居多以徒手致富又與商情隔膜故商之畏紳甚於畏官以鉅數萬血本寄諸素不相信之人其疑懼不安詎得謂之過慮當日創議集股原有商辦不成即將所收小股照數派回之說近因 廷議不決羣情洶湧倡言解散以符其原議煊非有仇於樞議諸紳前此不惜排衆議資衆而為之者謂樂成之後雖或議其操切終可信其無他若使已成之局以游移而致瓦解則初心真無以自白上君父下愧商民雖百身不足以贖其辜矣他路不咸不過不見利而已粵漢之路以重價贖回首期攤還之款已由官局勉強墊付若竟解散必至還款無著貽累 國家將釐成交涉區區愚誠竊願 聖明立斷俯順商情准原舉各商早日接辦以定衆紛而全路局諸實陳伏候 聖裁謹代奏煊 (廣東)

○實業招考 湘省實業學堂於上月二十七日招考在實院局試應考者二千餘人領卷時因人數湧擠漫無秩序以致錯亂題為百工居肆以及其事君子學以致其道道藝合一論赫胥黎有言優必勝劣必敗試即實業引中其理而諸生以試卷錯亂且有未領得者一時補給調換均有未及學務處因牌示諸生歸家自行備卷繕寫交學務處云 (湖南)

○川絲練法改良 重慶永靖商號向赴潼川府購絲以該處用土法練絲粗細不一歷年株守成法難以改良因特赴合州置業公社聘請卒業生湯君同至潼川租就蔣姓祠院新造練絲車道仿用浙江現行新法廣收蠶繭專練銷行洋莊細絲將來如能獲利該處練絲必全行改用新法 (四川)

○糖價陡跌 重慶所售白糖白糖悉由資州內江運來轉由河道載往宜昌漢口一帶銷售生意甚大向來價均平穩去年忽白糖每百斤漲至十兩幾錢白糖每百斤漲至四兩八錢現因白糖忽跌資州內江白糖價銀六兩白糖二兩七錢渝城白糖市價亦跌至九兩四錢白糖四兩二錢聞因下游積貨未銷致如此放盤云 (四川)

○雜紀 蘇州馬路工程局江太守然近因蘇滬鐵路開車在即商埠馬路與車站相隔不通不足以與商務擬築馬路與鐵路連接現已勘定普安橋北過河出楊安至拆通貴橋過山塘進李繼宗巷直接萬里橋車站則路工雖少而拆去民房甚多另勘一路自馬路以西從上津橋至湖田出星橋灣而過山塘進安家壩門至車站路工雖長民房可以少拆刻已分給二圖呈請蘇撫核示矣 (江蘇)

○法案贅書記起解 法案贅書記趙庚雲前隨參贊到韓時偏處訟案並代人謀缺誤差以致有人頗受其愚自該書記敗露後發押南昌縣並經前撫奏請革去舉人現由吳仲帥定以發往新疆効力之罪特派徐寶芝徐作鈞二員押解已於上月二十四日起程由府縣派差妥為照料 (江西)

○創辦語溪來復報 嘉興石門楊君圭章等近集合同志創辦語溪來復小報以開通民智改良社會為宗旨現已刊有開辦簡章不日即當出報云 (浙江)

各國新聞

◎日員遊歷滿洲章程 日本政府現允許豫備後備兩種將校前往滿洲遊歷因研究軍事起見則可將願往並研究之目的呈請所屬師團長代請陸軍大臣許可其便其非研究軍事則不在此例 譯朝日新聞

◎暹羅擬開博覽大會 暹羅京城盤谷地方人民因國王即位以來至明年已滿四十年故擬於明年西十一月在盤谷開設博覽大會以爲紀念現正研究一切辦法 譯朝日新聞

◎日本貿易協會經營滿洲條約 日本貿易協會關於經營滿洲之事將以下列各款開呈關東總督查核

一 南滿洲鐵道之經營雖已賴近日勅令之發表而明其方針然運輸費之高低輸送力之增加如何實爲該鐵道適宜於商工業與否之所關故必令鐵道之運輸較遠河之水運爲尤利便實爲今日最緊要之措置

一 大連港棧橋附近在戰時充軍用品之屯積地之空地數十萬坪宜速以適宜之措置在其地面建築貨棧及其他之商業設備

一 戰時儲藏軍用品之貨棧數十處現在已棄而不顧此種房屋宜速用之於商工業之設備

一 大連港之棧橋近時雖許大衆公用然觀其規則則須令使用之者出費似於商工業未爲有所便利故亟宜加輕其租用費方可

一 在南滿洲各地僅有取締刑事上之犯罪之制限而無救濟商民事之犯罪之機關此非所以保護前往滿洲之商工業也故亟宜速施應急之策

一 大連港檢疫辦事之緩慢實令前往滿洲者多不便之處常因此而徒然在港外淹留數日其損害甚大故宜從速改正之

一 內地人欲乘火車前往普蘭店以北各地常因欲得許可附搭火車之照會而依繁雜之章程須費數日之久方能上車如此無用之章程徒然令旅行者延擱時日請速廢止

一 大連港分送電報之方法宜加敏捷靈捷其餘如商用暗號電報小包郵便之類均宜爲商工業者急施之 譯大阪每日新聞

奏議

◎奏爲恩奏續保辦匪出力各員弁摺

爲續查奉辦會匪出力文武各員弁擇尤分別保獎謹繕呈清單恭摺仰祈 聖鑒事竊照上年六月間晉南解縣一帶會匪滋事經前撫臣張曾敭飭調西隊分投拿辦會匪明擒渠魁從各情形擇在事尤爲出力者隨摺保獎並聲明其餘出力各員查明續獎等因欽此 硃批著照所請該部知道欽此欽遵在案茲據前任臬司河道吳匡綽州直隸州朱善元續查辦匪出力各員弁先後開單請獎前來奴才查上年會匪初起勢甚猖獗所以早就撲滅者實賴策羣力之功當前撫臣奏報不靖時首要猶未盡獲其後奉蒙 恩准飭升任臬司吳匡仍留河東道任辦理清鄉事宜該司復督飭文武員弁分往各處認真搜捕並赴豫省之河陝所屬協同地方官嚴密查拿在於鄰境本境獲獲首犯黨占標等多名於訊明後分別情節輕重批飭正法監禁有差從此餘孽淨盡積年之隱患始消該員弁等赴幾之迅速任事之堅強不無微勞足錄除河南辦匪出力者已由該省自行奏明獎敘外其晉省續經查明拿辦會匪各員弁奴才覆加察核委係實在出力之人並無冒濫謹繕具清單恭呈 御覽合無仰懇 天恩俯准飭部照例給獎以資鼓勵之處出自 鴻慈逾格所有續保辦匪出力各員弁緣由理合恭摺具陳伏乞 皇太后 皇上聖鑒訓示謹 奏奉 硃批該部議奏軍件併發欽此

粵督岑奏請改併提督同知摺

爲請將廣東省水陸提督歸併一員並將虎門屯防同知改爲撫民直隸同知以一事權而資治理恭摺具陳仰祈 聖鑒事竊查廣東省原設陸路提督一員統轄全省綠營駐紮惠州嘉慶十五年督臣百齡以廣東地方濱海奏准添設水師提督一員統轄全省水師並議設重兵駐紮虎門以扼省防門戶因時立制本極周密惟自海禁大開以後今昔情形迥不相同近年提督所轄綠營虛糜日久深成虛設粵省迭次裁兵所存已不及原額之半現又將所存綠營裁去七成只留三成爲數無多營制更簡平日清鄉緝捕所恃亦在勇營均非綠營制兵所能得力現在兩提督統轄中東兩路防營督辦捕務事權既未能歸一而水陸營汛亦各有分防地面畛域易分難期聯屬查陸路提督所駐之惠州與水師提督所駐之虎門兩處地方相距僅百餘里朝發夕至若歸併一員控制極便責成亦專福建水陸提督業經歸併粵省似可援照辦理提請將廣東水師陸路兩提督歸併一缺改爲廣東水陸提督所有全省水陸綠營以及內河海外海師船均歸提督管轄惠州虎門均有衙署不時往來稽察調度俾得兼顧統籌至水陸提督廉俸等項均屬相同既已歸併一缺所餘一員之廉俸應即裁節其水陸兩提標官兵亦應分別裁併另於裁兵案內彙摺 奏報水陸提督印信應請 飭部更換廣東水師提督薩鎮冰總理南北洋海

軍未克來粵現署水師提督任南澳鎮總兵李準請求改節制有方於廣東全省情形尤爲熟悉擬請即以署理廣東水陸提督如蒙 聖恩特予簡授實於粵省地方有裨其正任陸路提督李福興應請作爲裁缺提督恭候 朝廷錄用又查虎門地轄東莞界連香山水陸錯綜詞訟紛繁原設虎門屯防同知一員係於道光二十五年由永甯通判改設僅有督催之責並無理民之權該處距省爲遠民間詞訟案件控訴查傳時虞阻滯紳民屢欲就近稟請同知辦理歷任皆以格於成例不敢越俎聞閭苦之現水師提督既併轄陸路不能常川駐紮虎門一切緝捕彈壓事宜尤慮各縣官鞭長莫及必須改設撫民同知方資治理擬請將虎門屯防同知改爲虎門撫民直隸同知仍兼管屯防事務並將東莞縣西北屬境距虎門三十餘里之觀音廟汛起由麻涌口循赤滘而南歷到潘洲渡河至白馬廟汛東入小洞汛口水口循流曲折而東由佛嶺支流出寮步又東南至永平汛南訖廈路岡村以永河水爲界又擬將香山縣北之左口汛起循東南南流至崖門復折而西循大鵬河之西北歷大鵬河萬頃河至香山東莞兩縣交界之龍穴山爲界四至統計約七十里有餘劃歸虎門直隸撫民管轄界內一切案件統歸同知審理舊有租賦亦歸同知征收以期撫字催科責成並重該同知本屬海疆繁難調要缺今改直隸同知擬請改爲撫民同知調要缺仍舊由外升調補至該同知撥管之地無多所征糧米有限羨餘微薄即由外籌給津貼以資辦公應設司獄一員即以原駐虎門之缺司巡檢兼理作爲虎門廳司獄兼缺司巡檢毋庸設專員俾節冗費其錢糧細數地界詳圖並應行換關防印信及一切廉俸役食修繕工程各項未盡事宜俟奉 旨俞允後再行核明分別奏咨辦理以上裁併提督更改同知二事均係酌量裁併情形期於營政地方兩有裨益臣與藩臬兩司反覆商酌意見相同謹恭摺具陳伏乞 皇太后 皇上聖鑒訓示下政務處吏兵兩部議覆施行謹 奏奉 硃批該衙門議奏欽此

滇督丁奏遵章改編營隊摺

爲遵章改編營隊恭摺仰祈 聖鑒事竊臣接准練兵處咨具奏雲南省營隊擬令照章編改並將分防各營抽練一摺光緒三十一年九月二十五日奉 旨依議欽此欽遵查行到滇查原奏內稱雲南防營名目錯雜紛歧擬令改正統名爲雲南巡防隊自第一營起次第排列其零星隊伍並宜歸併成營縱使隨地分防制度總須一律仍將舊立營制照新章逐漸編改以示區別等因竊查滇省地處邊陲餉細兵單原設各營分紮沿邊要隘防地綿長勢多散處或一營分防數百里或一哨分布十餘區地段既已散漫紛歧營制自難整齊畫一上年遵 旨改練新軍當酌就滇省情形酌力變通抽練一摺編爲新軍中左右三營砲隊一營並將舊營改爲難通辦理及擬續漸改編各緣由詳晰陳奏在案嗣復將廣防游擊前後兩營併編爲新軍前營並派員赴廣南挑募土著團丁編成一營作爲新軍後營現又添調廣防左右兩營併編爲新軍副中營是爲滇省新

軍第二標合之第一標成爲一協仍擬騰挪餉項及時訓練期於先成一鎮以固邊防茲准前因自應查照辦理藉資整飭擬將原編新軍中左右三營改編爲雲南新軍步兵第一標第一二三營續編之新軍前營後營副中營三營併編爲第二標第一二三營以後再編即按次序列至開花營即列作新軍砲隊第一營惟駐紮騰越砲隊共僅一百七十二名按之新章均不足一隊之數現在量爲添注共添募八十名俾各成一隊並再設法足成一營以免畸零其分防各營連即編爲雲南巡防隊將西防建威三營騰永四營鎮北營東昭江防之遊擊鎮東等三營普定三營南防之緝私個舊等五營開勝四營靖南中軍選鋒等三營連字副中後一營一律改正自第一營起共計二十七營依次排列所有保護鐵路各營亦按序編爲鐵路巡防隊由第一營以迄第十一營以示區別其餘鎮邊土勇亦應另列一營惟工程哨隊並置及各提鎮分統親兵營防軍水軍過於零星未便歸併暫仍其舊俟餉項充裕陸續查照新章逐漸編改期與軍制相符俾歸一律據雲南省後局營務處督辦處司道劉春霖等會詳請 奏前來臣覆核無異除分咨練兵處戶兵部外所有遵章改編營隊緣由謹恭摺具陳伏乞 皇太后 皇上聖鑒訓示謹 奏 硃批該衙門知道欽此

附件

一 廣西自辦鐵路之議發自日本留學同鄉會惟內地志士未經聯絡同人創設斯會以邀集閩省志士會議路事爲宗旨一路事繁重本會祇擔招待責任其如何籌辦一切章程悉聽全體議員公同議奪

一 本會經費由敝鄉籌捐經電稟京省同鄉官核准集會一稟奉 旨准保電示事關全省應邀赴省會議等因茲擬請桂林平樂兩府即就近赴省柳慶兩府或逕赴省或先至潯聽其自便其餘各府請先公舉代表再行赴省會議以節勞費

一 各縣議員至潯均請駐足潯郡中學堂膳宿由本會招待

一 各縣議員來潯沿途川費由各該處公款提支其有自備資斧者尤見熱心公益

一 各府代表由潯至省川費仍由各該處自行籌備其有萬難籌備者祈先期通知由本會量力津貼萬勿因苦於措資放棄義務

一 各府代表員至省會議本會當先期預備旅舍招待一切

一 各縣公舉議員由學務或實業或團局先行函示會員姓名人數其各處遊留學諸同鄉熱心來會者亦請先期示知以便預備招待

一 會期定於六月二十日在潯小會此時學堂暑假集益較宏惟各處距離遠近不同務望預期十日前到會方能齊集且得指示開議章程及一切儀式七月二十日在省大會

一 各縣議員務祈預備條議於議會時各抒所見俟全體議決後彙呈 督撫憲核准辦理

一 各縣議員既由公舉議會凡經該會認可之事便屬出自公意務祈共表同情

一 決議後所有派會議員姓名及籌辦簡章概由本會印刷宣佈以完招待之義務

招待所同人謹啓

南洋新嘉坡吉寧街門牌八十三號